



# ԵՐԵՎԱՆԻ ՔԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտիի 1

N 3697-Ա

« 10 » նոյեմբերի 2023թ.

## ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

Երևանի քաղաքապետարանի և «ԱՎԳՈՄԵ ՇԻՆ» ՍՊԸ-ի (այսուհետ՝ Ընկերություն) միջև 07.08.2023թ. կնքված ԵԲ-ԳՀԱՇՁԲ-23/182 ծածկագրով գնման պայմանագրի (այսուհետ՝ Պայմանագիր) 1.1 կետի համաձայն՝ Պատվիրատուն հանձնարարում է, իսկ Կատարողը ստանձնում է Երևանի քաղաքապետարանի կարիքների համար՝ անվճար հայտարարությունների տախտակների (վահանակների) նորոգման աշխատանքների կատարման պարտավորությունը (այսուհետ՝ աշխատանք)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

Ընկերությունը խախտելով պայմանագրով սահմանված պարտավորությունները՝ չի կատարել պայմանագրով նախատեսված աշխատանքները:

Երևանի քաղաքապետարանը՝ ղեկավարվելով գնումների մասին օրենսդրությամբ, ինչպես նաև Պայմանագրի 2.1.3 կետի «բ» ենթակետի պահանջներով՝ միակողմանի լուծել է կնքված Պայմանագիրը: Պայմանագրի լուծման վերաբերյալ ծանուցումը հրապարակվել է տեղեկագրում՝ սույն թվականի նոյեմբերի 3-ին և պայմանագիրը նոյեմբերի 4-ի դրությամբ համարվում է միակողմանի լուծված:

Ղեկավարվելով «Գնումների մասին» Հայաստանի Հանրապետության օրենքի 6-րդ հոդվածի 1-ին մասի 6-րդ կետով և 2-րդ մասով.

1. «ԱՎԳՈՄԵ ՇԻՆ» ՍՊԸ-ն ներառել գնումների գործընթացին մասնակցելու իրավունք չունեցող մասնակիցների ցուցակում:

2. Սույն որոշման կատարման կազմակերպումն ու պատասխանատվությունը դնել Երևանի քաղաքապետարանի աշխատակազմի արտաքին ձևավորման և գովազդի վարչության պետի վրա:

3. Սույն որոշման կատարման հսկողությունն իրականացնում է Երևանի քաղաքապետարանի աշխատակազմի քարտուղարի ժամանակավոր պաշտոնակատար Շ.Գրիգորյանը:

**ՏԻԳՐԱՆ ԱՎԻՆՅԱՆ**



Handwritten signature in blue ink, likely belonging to the official mentioned in the text. The signature is stylized and includes the name 'Շ. Գրիգորյան'.

Sign